



KANTIK

INTROUN-VARIA RUMENGOL

Li-li arc'hantet ho de-liou, Var bord an dour

zo er pra-jou; Dou-e d'ez-ho a roaz dil-lad A skuill

er meziou peb c'houez vad.

DISKAN

Introun Va-ri-a Rùmengol, Guerc'hez gal-

louduz, remed holl, Roit d'eomp hi-rio, enn han'

Dou -e, lec'hed ar c'horf hag ann e-ne.

2.

O Rumengol, pell amzer zo,
C'houi eo boket kaera hor bro ;
Peb rozenn goant, peb lilienn
A zo disliv enn ho kichenn.

3.

N'eus elestrenn ebed er prat
A daolfe kement a c'houez vad ;
E Leon. Treguer ha Kerne,
Ganeoc'h e klevet c'houez an Ee.

4.

Bleunia 'rit c'hoaz enn ho kosni
E liorzik goudor Mari ;
Rak hor mamm dous n'eo ket edro :
Pa gar eur vech eo 'vit ato.

5.

Var ann Arvor gant ar Verc'hez
Oc'h bet lakeat da rouanez ;
Rumengol eo he merc'h hena.
Ganthi eo karet ar muia.

6.

Hon tadou koz a ioa kousket
E tenvalijenn ar pec'hed :
Maro var roudou peb hini...
Ifern euzuz o tigeri...

7.

Var ar mean ruz e skuillet goad.
Hag er C'hrannou, e kreiz ar c'hoat,
A zindan derven Teutatez,
Tud 'veze lazet eb truez.

8.

Tec'hit, doueou digalon,
Setu Guennole ha Grallon ;

Tec'hit, tec'hit... Var ar mean ruz
Eo savet chapel mamm Jezuz.

9.

E leac'h ar goad, dour a vuez
A red enn iliz ar Verc'hez ;
He c'haloun eo ann eienem
Ne vezo dizec'het biken.

10.

E Rumengol, ar pelerin,
A bedo stard var he zaoulin,
A velo a dreuz he zaelou
Evel digor lez ann Envou.

11.

Ma salud teir guech ann aoter
Enn eur ador'hor Zalver,
Teir guech e vezo benniget
Gant tri Ferson sakr ann Dreinded.

12.

Ma ra seiz guech tro ar chapel
Gant Ave ann eal Gabriel
Mari hen diouallo bepred
Diouz Satan hag ar seiz pec'hed.

13.

Ha ma tigemer ann hosti
He galoun ennhan o vitvi,
Ouz Jezuz e chomo stag mad :
Etrezho birviken kimiad.

14.

Pelerined, grit evelse,
Kaout a refot grasou Doue ;
Hag e veac'h deuet enn eur lenva,
C'houi ielo kuit enn eur gana.

IMPRIMATUR :

Quimper, 14 Mai 1885,

A. SERRÉ, vic. gén.

Propriété réservée